

漸西村人初集

漸西村人初集

詩十

調樊雲門

簡孺初五六七言斷句

幽栖

送許竹簣侍講奉使日本

答松岑

偶作盆池欣然會心成絕句二十首

寄亮生

時監直沽稅

恭擬上

大行慈安皇太后挽歌詞四首

哭馮大

憶洲上

隣寺

送韋伯謙出守河間

五月十四夜讀坡公咏李臺卿詩有云垂頭老鸛雀  
煙雨羶九竅敝衣偶過我危坐若持釣子友凌塵遺  
形容酷似之意者凌前身乃臺卿邪思之不禁失笑  
凌時在維揚作詩寄之

楊心物自日本寄子摺扇上作草隸絕佳卻寄

寄題桑根丈新作小西湖茅亭

書慈仁寺壁

予規爲松岑布寘園中石作嶺外劍鉞山形而空其中畚土實之課僮雜種花藥竹樹使仍有紆餘平遠之觀君答云主者近卜賣此屋是將不爲吾有子猶以爲牛奇章物邪作詩記其語

贈鄭襄

松岑諍予云習靜有靜障猶好動有動障均之障也因而思先輩云事障馳利名理障窟文字亦均之障也夫障卽空根垢含淨理眎一刹那念之著離爲凡

聖仁者何爲強生分別方當以障掃障然後如水洗  
水同歸一淨耳子適小極而君招之不出故見嘲云  
然書此戲答用送韋均

題蕭寺尋春圖

夏日

李萼老家藤花盛開

喜鼎父至

醉後觀道旁鬥者

廬遣興

鄧侍御齋中觀日本刀

過松岑廡園歸以揀芽一器餉之乞取篆刻二盆寬  
花栽

君子陽陽二首

效遺山集作休道不蒙稽古力三首

秋日思江上村居

鑷白髮

次韻王無功野望

八月十四夜鄰人徵謳者其聲哀曼動人憶同治辛  
未與同年生錢蔚也計偕行山東道中道旁里歌其  
聲相似今蔚也下世踰八九年矣惻然有作

夜起

甚欲

贈劉雲蓀

錫鵠

大徐篆榜詩

獨坐

示謝中舍

寄題晦村田居

存沒口號

潘孺初餽柳于盃率謝

冬日偶題

再懷晦村

招松岑明日游花市斜街

上義庭兄

寄義庭先生

城居

地藏庵

藜床

寄西山隱者

送蕭侍御出守嶺表用昌黎送鄭廣州韻

洪中舍獨釣圖



送座主南皮公巡撫山西

贈李萼老

聞高陶堂令君亡

潘受孺初將歸海南受於朝士中可謂不肯錄錄自  
妄抱關者矣於其去國也殆猶深愧不能忘情而系  
以詩

入杪冬十六日立春

漸西村人初集

詩十

調樊雲門 辛巳

今之樊紹述栖息古精廬絳守池未闢元經論已儲松根  
一片席佛火半床書出則誰門去泥溝太祝居

簡孺初五六七言斷句

蕭蕭竹林下誰知張長公園荒百株石雪壓半畦菰

又

僂耳居無僂石枝官日出枝言海山歸棹何處虛室微明  
自溫

又

欲致熊經卻老術誰爲長者折枝來

孟子折枝趙邠卿以爲案摩之術折手節

解疲枝也

猶應洗眼鈔經字石室先儲作論材

幽栖

居如澗谷韓公興吾亦幽栖聊自娛雨漬竹梢蛾作蠶風

颺花乳鵲銜雛厭簷樹訝藏山大

西鄰人家有廢園喬木甚多家人浮休其下夏

得美蔭焉

蹋葉人來面壁枯門外坐忘何歲月海濤還作陸田

無

送許竹簣侍講奉使日本

澤國去龍節蒼茫一語無開夸誰鑿空詘道有乘桴海市

舟鮫弱幡船望氣羸資君宋賦筆真挂扶桑弧

主父製胡服海陵軍細茸如何新法改不筮彼民從一日

燔秦竹千金徙市樅猶餘逸書在倘許百篇逢

歐陽公詩徐福行時

書未焚尚書百篇今尙存

一卷吾妻鏡六千君子船應開端委教長使海波填熊野

徐生廟燕臺郭隗賢車書終不隔斥鹵變桑田

欲佩吳鉤去徘徊羸博閒

主恩忘況瘁齊物解愁顏

君新有殤子之痛

歸篋虞衡志巢痕著

作班他時六月息澈上剛青山

答松岑

世路嶮崎不可攀  
幽人不鄙叩松關  
無車畏出清齋臥  
夢繞君家樹石間

偶作盆池欣然會心成絕句二十首

嚴陵綠沙渚去此幾千里  
一勺頗黎江縮地尺有咫  
呼兒渠細石課僕修水筒  
裁有濠上觀超然意不同  
傍連青竹竿泓崢裁十輩  
參差倒來深淨與晚色對  
林鳥下銜魚朝飢學浮漚  
予亦午未炊負郭思南州  
菌抽欄五大第近地三四  
臨流試草書解衣旁薄爾  
爲問門前客暍塵鞭怒車  
且於此中息得孰與客多  
誰家合抱樹疏翠入吾廬  
花落中庭靜閉簾還讀書

此卽太古天風來動林影稍見幽陽升一庭空藻荇  
曠蕩何渺綿隴中幾日春鳥嘯思倦客花發待歸人  
山田秧一畦魚蕩舟千斛著個酒人游乘流恣沿復  
草細柳茸長雅栖牛背閒山家事厯厯盡日夢鄉關  
石瘦燥更潤樹枯冬復春且參清淨退何事喪吾真  
遠近理還齊那擇南將北求田徒厲言卜居何處蝕  
喜得天光大書來雲物粗浮陰過澹澍濁泉索元珠  
谷有愚公愚人無於水監裁過三月三浮杯何盪盪  
西海鹿掎蕉東溟螳逐蟬忘懷冥得失觀物蓬蓬然  
城北華屋多城南風物美何憎雅耆鼠且抱杵抗紫

石竅細泉鳴輕煙吹柳絲偶然來好客喚題石淙詩  
無酒衣可準晚食體自輕醉則竹根臥泠泠無世情  
漸江無限碧灩水自然渾蠶水乏修綆看山如在門

寄亮生

時監直  
沽稅

水心亦有徬徨句題寄龍川抱朴亭療飢乞取竹木務夜  
分危坐存黃庭

恭擬上

大行慈安皇太后挽歌詞四首

淵肅思齋意艱劬訪落基三階符乍輦一鑑照俄虧武帳  
虛前殿璇機掩左規委裘頻定策中葉肯忘危

幹運扶皇極行逢歲兩周象胥消稂沴館斥巡游方睹  
重光麗遄銘太室幽東朝厭萬國不使戴微柔

廟算收賢輔金行弭靖共

謂湘陰  
樞相

法除城旦密恩斬外家

封配地儀文備含章冊禮崇應知風馭速攀慕

定陵松

末命傳仍几因山擢節宜仁逾宋元祐儉輟漢和熹畫  
號宮衛遺籛觸

聖悲猶餘起居注宮史永垂儀

哭馮大

適去適來真逆旅望衡街櫟憶同聽遺箋已輟蘭陵賦洒



淚應爲李觀銘花發園中誰作主珠明曙後尙遺星尊前  
檢點經過少何處幽栖菊製衿

憶洲上

洲上梅花稀山中茯苓長新篁復應闌

說文篁竹田也

荷鋤時獨

往日落枉渚陰樵歌出林響胡爲久滯淫虛此屐幾兩

隣寺

奇情不在山好景不在水此寺獨於塵壒中辦作蕭然出  
塵理夢迴月澹樹陰移微鐘忽度青松枝蒼茫危坐不肯  
曙免角焦芎何所思

送韋伯曄出守河間

閉息萬人海縮項如枯鰓不如舍之去超若勇蛻蟬況君  
專城寄吏事資礪研譬如久居陸亦復思操船倘懷厲濟  
意請調燥溼弦勿云舞袖狹未足供迴旋韋子灑落士疏  
直謝時妍史局淹著作輩流脫拘攣一辭巢痕逝迴首空  
雲煙試穿神禹渠更洗名王輒巡春慰父老禱雨醺農田  
縱難盡諧俗暫挾籬籬穿甘澤嘆旱國微風吹別筵而我  
陸沈者雁鶩餐腥羶送子還杜門終朝觀三淵

五月十四夜讀坡公咏李臺卿詩有云垂頭老鵲雀  
煙雨羶九竅敝衣偶過我危坐若持釣子友凌塵遺  
形容酷似之意者凌前身乃臺卿邪思之不禁失笑

凌時在維揚作詩寄之

逸士例清寒鬱律蟠靈府擇友不尙同峻和吾並取凌生  
不偶世蓬蒿翳芳杜壁藏史籀書手畫商高矩終日面市  
居心與木石伍十丈黃塵中相對意自憫積雪斲危崖微  
茫導泉語時見淵底松蒼枯氣象古雖非梁棟姿要亦鎮  
浮颿煙霞媚病鶴百態不一齟倘欲治幽憂或者作詩苦  
眎息與眾同乃父老堯禹先生不違俗世竟與君晤濛濛  
竹西闔悄悄類村鳴形狀抑末耳坡語發掌拊夜窗風雨  
寒別意清夢補古人渺難接但各私所覩吾行把釣竿要  
君珊瑚樹

楊心物自日本寄子摺扇上作草隸絕佳卻寄  
眇然今復見楊風換骨金丹方兩瞳一去蓬萊清淺水忽  
然懷袖落驚鴻

寄題桑根丈新作小西湖茅亭

一勺湖光萬景收天然卜築小林邱  
高荷似蓋藏泉眼臥柳支門枕石頭  
老作蘭陵荀祭酒閒吟竹閣白杭州  
到門雞犬應都識何況山中猿鶴儔

竹杖芒屨導我真屋山俯映碧鱗鱗  
卻忘杭潁誰雄長坐約宗雷作主人  
載酒船敲瑤簟冷懸車雨洗翠微塵  
幾時水宿雲飛去一逐神仙醉墊巾

書慈仁寺壁

風中竹笑折要吏壁上蝸隨行腳僧去固無心住亦好俗  
猶未免道何能夠輟雨喚如村鳴聲沸茶圓倚瘦藤一出  
山門塵隱隱誰辭赤阪關增冰

予規爲松岑布真園中石作嶺外劍鋸山形而空其  
中畚土實之課僮雜種花藥竹樹使仍有紆餘平遠  
之觀君答云主者近卜賣此屋是將不爲吾有子猶  
以爲牛奇章物邪則相與拍手大笑姑作詩記其語  
使如國初吳慶百徵君畫圖梧園記故事以待後  
有好事而居此屋者貽之可乎

石吾甚愛之一族呵且仆牆排晉三公僵觸失真趣不如  
改寘之人工奪天作側落鳥翮翔橫撐虎鬚怒鼻聚成一  
峯踞蹠無緩步一朝散之百洞壑攢陰霧修鬚切雲冠長  
劍玉鼻具洗我瀨上胸寫君夢中路環山笠笠尖中有求  
田慕達之作陂陀爲尊爲曰寓平地江湖觀奇春花藥布  
君獨不謂然營弟乃喪兔何事刻舟求虛期巧匠赴幽人  
一飽難暫遣糟牀注天豈私我貧居何擇美惡無山強買  
山將貽得隴懼亡羊乃等耳一叱金華誤肺肝空槎枒眼  
界齊窪汙夢得石芝餐覺乃無所遇佳觀天亦慳墮甌君  
莫顧聞言悵然失得喪一笑悟研山幾流落良嶽戰枯雨

不如盡屏去六鑿付蛇蚺別有洞天游卜鄰吾欲住

贈鄭襄

不見古人思若拙一見故人銷百憂未知與古孰高下繡  
井差足追前修忤時坐失萬家縣甌與不止讒言流短衣  
匹馬忽棄去草檄論兵渝水頭無人可贈繞朝策作賦空  
登王粲樓虎豹九關天不聞路窮還戀

聖明君獻書再入金門道寄興猶工玉筋文吳絲蜀桐無  
怒響相見無言轉蕭爽脫離世網神獨希一髮青山弄魚  
榜但道無田歸去來倦游櫓散鬢毛摧我亦龍鍾後時者  
且與一尊醉藉城南苔

松岑諍予云習靜有靜障猶好動有動障均之障也  
因而思先輩云事障馳利名理障窟文字亦均之障  
也夫障卽空根垢含淨理脉一刹那念之著離爲凡  
聖仁者何爲強生分別方當以障掃障然後如水洗  
水同歸一淨耳予適小極而君招之不出故見嘲云  
然書此戲答用送韋均

齋居薄耆味不辨鯽與鯽

爾雅說魴江東人呼爲鯽  
鯽鯽味薄而魴味美

枯坐竹

窗下忽驚螳捕蟬筮靜乃得動物理不違研誰鳴水中石

而牽岸上船

韋左司詩云水性本云靜石中亦無聲如  
何兩相激雷轉空山驚可謂妙于觀物虛

深山水趣競說松風弦疇識不鼓妙何用宮相旋當其世



慮進鼃紫眩眾妍及夫蠹文字仍枯天機攀霽雨尋皎日  
孤光翳浮煙橫生諸障縛如絲縈紡塲不如付兩忘旱蓮  
生石田自有竇人珠詎待巧蟻穿我臥團茅室未赴燒箒  
筵徒捧柳腹痞不朝舜行羶行治慘玉藥叩君藏珠淵

題蕭寺尋春圖

春去已多時尋之了無迹偶敲花樹下餘春猶脈脈何必  
城西寺蒼苔破行屐屋山鳥吟煙池光魚噉夕魚鳥亦有  
情我心枯竹石

始我游京華彈指十四春古佛面不皺夢痕蹋春人望衡

得劉子微謝子微言出清新眎我招提相野風吹碧鱗朱門

與蓬戶閒者得佳晨春自無去住慎勿喪吾真

夏日

夏日忽已長園穎發新榮急雨吹萍破空林數筍生六尺  
含風簟千年折足鐺倚檐一舒歎應知遠壑盈

李尊老家藤花盛開

窮官半畝宮例占藤陰翠瓏瓏靖安坊

韓文公有偶坐藤樹下詩公第在長

安靖

簇簇海波寺

朱竹垞古藤書屋在海波寺街

天憐稽古劬何以償蕉

萃空中雨瓔珞纈眼相熨媚何用萬年筇餐霞赤城戲

竹垞

有以天台萬年寺藤杖贈尤悔庵詩

春華夏得蔭几簟供位寘不知誰手遺

蟠鬱欣得地定有澹蕩人惜哉慢

平聲

鏤字離樓松枝撐四

角蒼官植天然青油幔倒冒綠毛使雨餘風日美落英亦  
可餌崖蜂抱香去蜜熟病兩翅佳人怨寂寞紅迸唾壺淚  
招君薤葉書步虛辭玉筍益然釀古春會合判一醉竹鱸  
兼茗椀解作一生事倦枕含風漪飢餐虹景祕前韓後朱  
十狂慧謝軒輊今花發古妍依倚湛冥吏紛紛幾開落朱  
顏駐童穉會當理輕策招隱叩石簣付與好事人編排入  
坊志

喜鼎父至

萬土中有君羣瘖廢爪觜森然芒角斂流俗不敢詆得君  
一語雋爲十日憂喜翩然或開予發藥起茅靡以君衣上

雨洒我竹閒堂滌除夏蟲熱併入秋氣涼靜中萬籟息其  
此一鐙光眾响漂熊耳水伯絳谷王雷同相訾譽誠不如  
兩忘我願生兩翅冷風逐翱翔朝游廣莫野夕醉亡何鄉  
何如東臯子結鄰晞仲長起躡朱公履林臥長相望

醉後觀道旁鬪者

時無螺贏螟蛉警然左角蠻爭莫逞李陽手毒徒聞宋意  
肝青

廌廬遣興

滿院種修竹笋抽時出闌錯疑嚴懶宅江檻落風樵  
北塘有高槐夏花秋尙纈朝來急雨晴片片落黃雪

秋水如蘚滑盆池似寒潭此卽蒼山路何方著茅庵  
閉門無可悅出門更多歧不如坐看壁米汁一中之  
雲度小窗明雨添山果重城居似村落蛛網罨疏甍  
俗言蛙給廩至言鶴在林慎勿多言辱林居落葉深  
小兒有奇氣解作熊鳥勢攜汝歸碧山披雲臥松桂  
李子愛伯茅屋破潘翁孺初甌有塵一笑淋雨後天甯私我貧  
遠客餉異書令人發奇趣更煩致來禽亮勿恠多取  
去住非吾好沈冥亦自佳不須問季主新雨步天街

鄧侍御齋中觀日本刀

胸中不作三刀夢聊快神鋒蟄室觀地肺陸剽蒼兕吼天

池水淬碧鵲寒東溟馮阻真如粟上將飛騰會築壇喜汝  
相從君子佩夜深光並斗闌干

過松岑廡園歸以揀芽一器餉之乞取篆刻二盆覓  
花栽

同自巖幽落城市囚拘漸習馬曹閒時來把臂穿林徑便  
有清風動屋山世議坐忘堯桀譽秋光先照綺園顏澆君  
典禮胸中有一片雲腴破睡慳

最愛君家老瓦盆蛟龍屈強薜剋痕何當乞寘三間屋徑  
欲移栽二寸根吾亦旅人非土著倦侵寒節強開樽祇愁  
世士談椎搗受損蟲穿那可論

君子陽陽二首

君子陽陽仰畫員俯畫方藕絲鍼孔人海昂藏云何而臞  
義府翔祥鈔書擊脫剝藤泣瑤鏤肝腎時一償客來妙語  
解頤頰應閒錯落含風霜薜薜左顧常咄辦後堂蠻素調  
羹湯雨荒屋圯樹根出先生兀坐穿蓁床長安弈碁者誰  
子丹轂安能潤黃腸何如季漢三賢贊終日隱几李臺郎  
此章調李萼老李體素羸弱百  
日數旬革帶移孔故戲語云爾

君子陽陽左操筆右操籌非關九九千桓侯數天山之斥  
埃案丁零之羊牛

曹署司喀爾喀及新疆軍需文牘丁云  
零盜蘇武牛羊可并案也孔文舉語

何而肥耽道忘憂不山林而儕木石無江海而狎鳬漚移

花占明日之兩種竹韻今年之秋亦權稻梁道從而窪矣  
忽藏芥殼世喪而焉求補剗息黥潤自根而流葉甘帶耆  
鼠咸棄能而偈修侍側之豪并亡夫螺贏久眎之術豈叩  
諸蟬蛸或閉關而牛飲或命駕而儵游亦何異于東方之  
割肉與榮叟之披裘邪

效遺山集作休道不蒙稽古力三首

岸蓼溪花瀨上思情秋羈宦不勝悲迴看十九年前刼枯  
木寒泉霜裂肌休道不蒙稽古力待看餘蔭長孫枝  
孤兒無恃復無依眼見龍虵起陸時骨肉痛心棋以內田  
園蕪盡幾時歸休道不蒙稽古力鑿楹萬卷是根基



四海子由何可期韓門俞岌且肩隨與吾異趣難醫俗久  
客見懷殊可思休道不蒙稽古力待攜弟姪翦茅茨

秋日思江上村居

返照穿林青黯黯野風吹水碧粼粼鵝灣師谷知何許  
地名懶叟桐君孰主人醉裡暫忘爲泊宅定中始悟是勞薪  
童年舊事將誰說強對熊兒雜笑瞋

園荒屋老無人過枉費東臬問訊頻昔薄求田成底事就

令慧業亦剗神危炊飢汲廚僮瘦鉏色然和戒律新

子舊刻一

小印文云剗皮鉏色畏焚和故云

辦作竹田薑稜計未能斥賣汗枯筠

登場紅稻雞正肥酒熟蠓黃村事稀近報松秧霜墀甲卻

思竹轎風生衣牆東園叟今應健懷上聲郎晚更饑縱不  
歸耕掘黃獨也須囊致起風痲

鑷白髮拈筆戲述

心如寒井無禽迹髮似枯松失塵材那有歌姬工乞食應  
親雄劍試然灰頓邱無悔徙云爾伯業能勤且勵哉不見  
庭槐衣落盡虬姿雪榦轉崔嵬子年二十三以前殆不祥人耶孤露零丁一不祥者  
欲散散不知斂約二不祥不立定腳根汎然徇世好與將  
華之士爲伍三不祥蓋自見閩縣興化六安三先生始卽  
爲學涂徑入門之要云

次韻王無功野望

南窪一徙倚藥牧且因依井竈成村落林蘆菴夕暉山禽

銜果去胡馬識羣歸勞事無歌者何時聞采薇

八月十四夜鄰人徵謳者其聲哀曼動人憶往者同  
治辛未與同年生錢蔚也計偕行山東道中道旁里  
歌其聲相似今蔚也下世踰八九年矣惻然有作

那有清歌響過雲漫思往事一酸辛無端今夜胡弦索迸  
入山陽笛裡聞

過江老子持三論病榻維摩無一言始信聲無哀樂旨齧  
其風櫪又聞喧

夜起

欲知兀兀騰騰趣只在蕭蕭黯黯閒寒角鳴陣雞唱卯夢

迴一枕富春山

甚欲

甚欲捐書絕學割平赤地安營別起穹巖窈壑判教資遣  
殘生

又

甚欲瘖聾過日探囊又惜刀圭付與天台寒拾蘚厓店壁  
留題

贈劉雲蓀

錫鴻

燕昭海上求方藥那識仙人隱市中射虎夜歸遭尉怒屠  
龍朝學坐訾空才如燭武甯當棄簿責陳湯更效忠一笑

相逢判日飲可能藉菊醉籬東

大徐篆榜詩

有序

始予欲廣輯嚴州圖經多年覓舊圖經及景定續志  
不可得以乾隆志內缺金石一門頗爲瀨鄉山水祠  
冢減色之憾欲先輯此門予去鄉久兀兀人事遲之  
不遂昨偶披輿地碑記則所載徐鼎臣篆榜桐廬縣  
三大字應爲石刻中最佳者而君山厓峭壁下有  
大厯題名篆數十字代先于鉉然六書之學殆勿如耳  
字半爲江水漫蝕欲縛架洗治敏甄椎則工索百金  
猝不可辦咸豐丁巳伯父明經嘗梯登手拓數紙以

示羣從予丁丑秋繼之眎題名蓋有數處然仰攀鵲  
巢俯怵深淵不能徧追跡也坐是知前人湛冥好奇  
而又勇決心力固十倍今人此其所以有成也豈獨  
石刻細事然與桐中多古伽藍窳堵亂後甑石或有  
幸存者至于臥鐘鑿鼎刀布劍鏡雜器之屬則蕩然  
無遺矣惜哉題名以東西釣臺及桐君厓閬仙洞爲  
最多方志不之及大徐篆尤可惜也姑作詩記縣榜  
事它從闕焉

桐江山色天下無山圍明鏡如畫圖何年佳吏似仙尉走  
幣輦金求榜書江南臣好有二徐邕冰而後鑄蟲魚賁軍

詩十

圭

還舍  
公堂

大夫爲宋得錢氏亦籍吾州俱此題應在雍熙後校定篆  
籀方揭樂崇文館開騎省暇潑墨一斗澆松腴想其磅礴  
羸衣筆不下山鬼夜泣蒼藤枯俗書壓倒樅陽門目笑龍  
爪王家鳬懸之山國媚泉霧虎拏鳳攫冰夷趨雖非鐵石  
陷厓壁定勝草隸誇磐紆坐令四方觀者不脛轉臥甌響  
搗無停趺苔剗蘚剗光爍夜紫氣鬱鬱軒黃姑吾邑分野  
在牽牛若  
干溪山蒼然陵谷變廨屋幾朽神明扶雄強縝密不可見  
洞府蘚合難鉤摹蛟蛇蟄閉石亦泐山木慘淡雲相踰況  
我客游違舊都還丹空熟桐君鑪礪厓大厓題字悲冥搜  
曾倒鴟夷壺何時重起此手筆煥然舊物觀還初偏旁屈

強破新坵體勢詰詘刻山膚嗟哉鄧

石如錢

近古骨亦朽

獨令縉雲廟刻照耀蒼山隅人事錯迕令長吁

獨坐

獨坐東窗下流飈霧翦花稻孫銜堦鵲槐子落飢雅世法誰辭縛吾生不可涯娑婆枯樹下隱几誦南華

示謝中舍

望衡對霽懽情接三見秋深石髮斑寒汲軍持同井脈醉

敲蓬累各孱顏

荆公以蓬累爲笠名

膺門面皺呼長鬣翦燭妝紅倚

小蠻試攝賃廬入圖畫放教雞犬出人閒

予方屬君寫宅圖

寄題晦村田居



門對寒山石竇淙南窗晴見香壚峯山茨采藥人三兩源  
口花時許一逢

存沒口號

少社遺民後論交見性真塋秧鋪地繡階瀑弄天紳桑下  
非無土蘆中知有人心知田舍樂不復動微塵

佛說微塵  
喻煩惱也

方古  
香丈

懸解辭世桔忘言入道機爆然放杖笑秋草旅墳稀坐惜  
鷄缸化何知雁守肥曹溪貽一卷使我洞幽微

謝夢漁  
給諫

潘孺初餽椰子盃率謝

不犧尊亦不窪尊文質之間道或存狀識炎方佳木異情

親耆舊德公溫形模每博癡兒喜漿酒翻令儉歲敦更說

坡仙冠製古不辭撰屨海南村

東坡先生在儋州謫籍有椰子冠詩

### 冬日偶題

窗外叢竹入冬不枯元雲淡抱寒鵲驚呼殺青生白屢空  
晏如優哉游哉玩物我娛

### 再懷晦村

蒼苔時有芒屨迹溪水如聞拄杖聲百口於今誰語此夜  
寒檣榻夢難成

### 招松岑明日游花市斜街

唐人除謫如弈碁朝來解龜暮牽絲今時曹掾局過冷磊

塊不食如枯龜況我與君後時者不登弈譜尤駢枝雁行  
抱牘吏晚署鼠壤棄蔬馭責辭先生兀坐屋穿漏出則邀  
子相諧娶耕桑近郊計良得蹲鴟求田亦非宜廣陽傲寒  
殘白菊妖歌慢舞肯一卮霜風謾謾槁未落香不中麝餐  
世脾豈知根贗雜牡莖那有實好齊瓊漿貴人金多尙輦  
取酈泉叟笑陶翁嗤君今準衣稀得酒叢叢深色傾無背  
城西井甘昊天寺竹垞卜築槐街詩朱錫鬯先生移居槐  
樹斜街詩有一事新  
來差勝舊昊天寺近井泉甘之句近壽陽祁公亦卜廬于  
此榜其齋曰草堂小秀野花市下斜街想見前賢風致頗  
爲坊巷增花時爛漫不一顧雪落泥沍長年悲房深窖暝  
故實也

陽屋闢唐烘馬勃牛溲治從來糞壤出芝蘭況乃南方草

木羅紛披不論衙子遲黃鵠且欲敲醉白接羅平明荷鋪  
待老阮醉則投効請監祠

上義庭兄

白茆岡上登高處獨秀峯頭喚渡時樹大號風傷邈矣牀  
敷聽雨尙淒而君從釋菜諸生後我悔勞薪薄宦遲門巷  
已荒三徑在莫辭老圃其鉏治

寄義庭先生

時居茅坪卽  
白雲源也

源頭雲逐方干去源裡樵歸更卜隣一白春鉏將傲客千  
紅躑躅待歸人

劖蘚輪君辦一邱無田試與相春謀嗤予欲世倉兼原翻

誤餅空雀晚愁

睦親巷鎖一方苔且乞君山楨木栽隣叟已非雞犬換欲  
營新宅亦何哉

蓋頭茅瓦對開門蔬甲田毛後圃存少日真成一鳥過祇  
愁難索笑言溫

莫辭細字寫殘燈二石家書近所稱兄每云近世錢衍石  
給練書石校官之篤  
行間然雖索居二千里而遺書論  
學往復不厭當于古人中求之  
留著殘編爲世守勝于  
世網觸崩礧

城居

城居卻似村居好晚食徵魚曙報雅兒學語蠻鳩穀穀女

描字大蚓斜斜夜寒擊柝何勞數

色角切

俗儉春糧有幾家

放著跛驢行不得渾難鞭策挽三車

地藏庵二絕

古德相傳釋迦成道已乃爲母說法不可得更命弟子地藏女爲說卽得正果

語見地藏經自蛆蟲僧乃以唐時暹羅世子金地藏  
在九華山坐禪者當之謬甚矣子鄒嘗欲釐正彼氏

祀典曾

詳之

老言善地神俱谷軒著歸藏易有林別有起予行坐力何

勞天女證禪心

應眞傾倒非非想豈止流傳杜十姨等是丹霞木居士不

妨一笑付茶毗

藜床

詩十

九

避舍蓋  
公堂

藜床窄窄幔穿穿  
寂坐慵眠意自便  
饗蝨煇餘湯試具神  
龜支處息仍綿倦  
尋黃嬾書空挾材  
敵蒼官用偶捐  
贏得據梧心自化  
不憂布被誚苗川

寄西山隱者

道人栖處不嫌寒  
雪掩虛明舊館壇  
屋上茅龍支爨鼎  
池邊竹鯽竊餘丹  
不求違俗樵爭席  
時復忘吾沐未冠  
欲往從之在何許  
凍泉細路石漫漫

送蕭侍御出守嶺南用昌黎送鄭廣州韻

巢暖辭金璫書新撰  
玉杯應冠惠文去  
故遣祖筵開市諫  
奇蚶貢嵐迎羽蝶來  
要章衡嶽宿料舶拂  
絲迴

拂絲見新  
唐書疑卽

佛蘭西之本音蓋拂別爲佛孫  
轉爲蘭末西字則其收聲耳  
拭劍傾燕國還珠潤越臺  
牧臣方執憲遲爾濟時才  
蕭衡州人過家上冢故云

### 洪中舍獨釣圖

鄮縣青山孰主賓  
珊瑚樹長待歸人  
幾時巾角羊裘去  
一洗幽燕市上塵

卻笑當年韓與侯  
投竿溫洛亦何求  
清寒只許樵青伴  
買得江南不繫舟

### 送座主南皮公巡撫山西

力牧潛求豈偶然  
晉祠流水遲鳴絃  
漸知朝右尊儒術  
翻爲河東屈大賢  
荒白應除典農尉  
汗青待次貴和篇  
兒童



騎竹從相迓畏壘來茲大有年

自立緇帷踰十霜恥因輦帙埒清光  
簾今藉識經師緒緼古教尋學海糧  
好問異時陪淦水鍾元何日謁高陽  
何嫌峻阪疲登頓攬轡方知御耆良

贈李萼老

笠簷生事查初白草薦餘溫毛穉黃  
臞李風流故相似卜居何日割湖塘  
君嘗作七居有卜築湖塘終焉之志其文甚詆麗

答

李慈銘

漸水東西兩釣徒誰令索米逐侏儒  
何時仍著漁簑去九

里梅花十里湖

十里湖塘吾鄉語也

聞高陶堂令君亡

嗟子匡廬彥翩翩內制才如何艱一第莫使襁千災災市

逢君舊顏坏爲我開傾衿幾日雅典論有餘哀兼惜莊鐺

逝

中白彥清與君知厚連年物故

同歸松菌摧塌然南郭槁心緒坐成灰

潘叟孺初將歸海南叟於朝士中可謂不肯錄錄自

安抱關者矣於其去國也殆猶深媿不能忘情而系

以詩

太山非一條渤澥非一翼亭亭竹孤生去去禽不息雖無

橘實好亦晞貢上國雖乏頻伽音腥羶良恥食時艱衮無

闕眾嬖競容色那辨厝薪然甯知日御忒禽辭海宗去寥

廓翔安極竹傍土梗居沈冥誰更識難爲贈處言聲銷爪  
嘴戢尙欲防禍羅全生養孤直雁何邀而鳴木以材而賊  
各勵修身志毋爲負年力誓居木雁閒庶報山海德

儒宮雖無地求田計非憇索米苟餘貲卜鄰覓耆龐叟耕

嶠南島予營漸西瀧未辨蘊稜去聲百且賃竹田雙課兒種

樹法招友谷音楚細君紡車暇治饅笑語吮肥炙勝龍鮓

陶尊敵雞缸唐人侈南食任公釣初降嶧山雜珧柱璣細

詫鄉邦藏酒琥珀窟流涎玻璃江室有椎髻賢座多疏眉

龐一鱸天下饜一醉民風噉此豈逃世哉力猶洪鐘撞吹

幽縛豆架箋易拓松窗予家漸西美爲翁述其躡登山歆

竹轎泛水刺蘭舲炊粳美饌玉然柏賤明缸風簾韻碧澗  
霜葉履紅缸他日翁來游延登石床淙考古越紐秘徵謳  
會吟腔一飽尙未必幽懷且芳苙試歌侑翁醉破悶資靴  
控

入杪冬十六日立春

茅君學長生臘月裁過半澗壑冰崢嶸丹鑪然默炭神仙  
乃畏寒服藥仍不汗謾乞西王母一迴青鳥粲宮觀幻清  
虛日餌寒石散土牛強送冬磔狗俄驚旦百昌不安蟄佳  
桐付庸爨朽壤被絳繒枯槎張錦幔自言回化工土木藻  
繡爛譬如殷七七頃刻起菱榦那知陽氣微冬行春令換

荔挺不生畦蘭根不茁岸猶妩邀頭春能歸鳳髓判田枯  
霰雪少輟耒老農歎陵陂麥短短空遺臘鼓喚殿前羣公  
暇晷食常衍衍韓子獨不嚙謂陽氣發亂天房忽已祛地  
坼毋乃斷且戴花勝遨城南恣游觀看花槐街陌百市到  
日晏迎春黃裊冰葉削天蒜稍聞蠶房喧已見池水泮  
興來藉草坐醉覓柳閒鍛何必丹邱人吾游真汗漫

漸西村人初集

詩十一

春雪

題朝鮮金梅隱母朴氏授經圖後

名素善

偶題

釋惑

屋西

贈鹿溪

適志

自同治末至今燕中俗樂噍殺促數此羽聲也羽於

五音爲物其細已甚殆勿堪矣六安吳公昔嘗語此  
不無勞者之歌竊取正音之義云爾

訪沈子培臯季不遇

懷劉雲蓀

游可園

俗呼三貝子花園

送陸漁笙提學甘肅

得家書

石屏風

雨

唐微卿吏部家新種竹數十本一雨三日竹萌怒生

舉酒觴客予亦同作

送張仲模侍講出知金華

幽居

挽韋伯謙

致仕相國納拉公挽詞

諱全慶

萼老敦夫枉訪不值

中秋

儒史

行年

張君藹卿將之保陽省覲作詩送之



寄賀李景卿生子

許仙坪丈新除河北監司有贈

八月晦日夜記彗星狀

寄朱竹石觀察四十四韻

挽王子恆比部丈

梅延祖挽詞

劉恭父挽詞

微卿將使越南卽題其萬里請纓圖爲別

寄題從外舅薛夫子黃葉村莊

街西一椽屋

送許仙坪丈

微雪獨坐

憶舊

雪

朱兵曹移居戲贈

寄從子德正

懷松岑

招朱兵曹

上周自庵閣學

吾將篇

除夕口占

漸西村人初集

詩十一

春雪

壬午

世網多傷性命期郊扉一雪閉虛帷翻因長者無來轍旋  
得高歌引滿卮籬月夜來黃有暈園林春早玉交枝呼兒  
領略山家趣葢代功名黍一炊

題朝鮮金梅隱母朴氏授經圖後

名秉善

采風昔見貞蕤藁

朴齊家嘉慶中使都著貞蕤稿略陳仲魚爲刻之

講肄今傳畫

荻圖鐙影機聲還著作雞林鵠嶺正敷愉九徵能事歌將  
母七選皇華憶哺雛無限伽伽山色好一枝藤杖幾孫扶

偶題

世故攫人劇箭過靈臺稍桎又焚和且於解縛隨方住風  
定依然得靜柯

釋惑

樂餌媚過客始諒終輒鄙道心澹無味用之安可旣奔趨  
利名場役形旋喪已渴人思得泉疲暮無栖止歸來竹窗  
下古籍光照几家有石覆泉顧未知之耳

屋西

屋西喬木小林邱一臥牆東幾宿留夢裡滄江生石髮眼  
中塵世幻浮漚詩因變態清新出道信忘機寂寞求人語

雞聲從擾擾竹鑪茶銚且休休

贈鹿溪

刊落浮華真性見脫離世語道機深幽栖迹類齋時衲晚  
食心同暝後禽種櫟十圍非與是戰碁三百古猶今抽身

翰與陳公早先占淮南桂樹林

謂陳六舟丈

適志二首

削趾而適屨物勝枯其天斷鶴以爲鳧性命長拘攣君看  
浮華子衰榮互嬾妍不如捨之去閱世空雲煙朝攬池上  
勝夕息區中緣頤神赤玉簡濯髮蒼山泉陵者習于陵淵  
者還于淵高者翔寥廓下者啄腥羶各自從所好毋爲奪

安便

學士擲羣籍立言期有物及其務逃難碎義還詰拙胸有  
一物蘊如繒不受熨水火坐相爭是非疇肯屈不如冥物  
我得喪齊窪崛還游無物初世議謝愉怫名理如秋月不  
受纖塵拂至義如寒鋸應機有立刺理義無虧盈人心強  
區別虛室生微明真源不待扣有物如無物何煩禮與祓  
自同治末至今燕中俗樂咸尙噍殺促數之音此羽  
聲也羽於五音爲物所謂其細已甚殆勿堪矣豈將  
淪於島索翦爲龍沙感天下之生民失羣倫之正性  
乎少寇六安吳公昔嘗與予踞觚語此良用深憂也

夫聲音之感非一日之積貞符之啟有革除之漸待  
河清而製頌思古樂以導和不無勞者之歌竊取正  
音之義云爾

淒切物情彫調刁羽音作東國咏其空南風還削弱勞民  
或化泥君子將爲鶴寒谷春未回崩崖水方落黃竹鳴慘  
慘白龍堆漠漠蒼萊彌道周幽蘭槁林薄曙戒思前言伊  
人去灞霍所期

聖運昌元氣入簫勺七始祀郊歌三終破陣樂誅蕩天門  
開聯翩侯服恪有燭四時和無私天地橐吏術廉且平芸  
生耕復鑿爛漫衢歌翁拊髀還雀躍



訪沈子培昇季不遇

城南連屋似波濤中有虛船陸處牢  
柳下士師從削迹杜陵男子且趨曹  
玉生荆岸雙皆潤桃熟綏山一已豪  
欲叩荆扉還寂寂意行聊復眺林皋

懷劉雲蓀

一臥青門歲月遷閉門種樹長風煙  
眼空稷下三千輩足璽移中十九年  
海氣昏昏浮赤縣老懷耿耿費黃肩  
幽居璫細觀羣動久竹生蟲一蹶然

游可園

俗呼三貝子花園

名園幾易主今稱賣花翁迴欄緬遺舄  
略徇清流通翦取

瀟湘九里碧鎖此詰曲朱門中不知何王搆人去臺已空  
惟餘枯樹腹弱藤花亞石玲瓏梁苔繡無歌舞花照當  
時人面紅

送陸漁笙提學甘肅

焦明所居巢灌莽化瓊英賢者所居俗傑昧爲韶莖閩學  
常哀始蜀學文翁營近者黔學昌亦仗洪更生居賢俗乃  
善易詞何深明陸君金閨彥氣如春景晴抗議畫防秋赤  
心內含貞近復銜使 命勵志頗嫻精輶車指西極以吏  
相逢迎勿謂以俗陋採風始牙萌安定山谷閒甫息昆東  
爭士皆帶經鉏耒或腰笏耕使者不戶說响濡如父兄起

其廢與疾息彼剽與黥大指責禮誼經訓輔以行若遇王  
節信禮之課澤橫或有元晏質假以書一簾裊茶石室聞  
造輅椎輪成河西昔士鄉古意發今情漆書杜林蓄奇字  
江威評稍稍導先緒華風被莪菁餘事記風土壯懷軋霄  
崢歸裝仇池石一笑會合并嗤予蹇且劣纖筵倚巨楹待  
細使者語取續方言名

得家書

家書來自嚴陵瀨是日微霽未放晴竹樹炊煙正寥落幽  
禽隔屋時一鳴只疑尺素迴環裡中挾江鄉無限情

石屏風

山翠滴空濛下藏雲一谷蒼茫樵路暝何處幽人屋急雨  
過喧飀奔泉下山腹諸峯稍開霽不見山之麓山高雲爲  
衣雲散山更禿悠然兩無盡變態互縈伏何年化工巧剖  
此乖龍肉黯黯復青青米家山一幅滇中好事者持慰人  
海獨割彼袖中雲伴我西齋宿臥游九里松高枕聽琴筑

子鄉有山  
名九里松

### 雨

空庭無可悅一雨竹樹幽淺水漫砌行曲折赴暗溝片花  
浮過岸一葉墮爲舟旋渦疑伏瀼密溜乍圓漚試攝滄洲  
趣宛然清澗流雖乏菰蒲樂還招鳬雁遊

唐微卿吏部家新種竹數十本一兩三日竹萌怒生  
舉酒觴客予亦同作

冷官庭中一物無今年上旱尤駁枯詩瓢山人畢卓徒脫  
巾搗汗跣兩趺搖豪視句腸不剝倦則高枕青奴臞忽命  
畚鍤城西隅輦取老竹百輩俱長安甲第欄楯朱此君久  
矣辱泥塗昨來折簡高人呼不辭拂拭青珊瑚祖青孫紺  
雌雄姝雪兒雲母相撐扶炊煙過午未出廚竹田竹屋營  
須臾洗車雨驟朝至晡甘澤不待求嗟吁或俛勁節瑩寒  
膚或修而瘦短而腴風鬟霧葉不可摹土膏入甌融泥蘇  
瓊肌生粟露綴珠籜龍闔然生戶樞紉之三日頭角殊攢

林觥觥穿芻芻朝看裁寸暮徑扶天憐蕉萃意不誣故遣  
俊物來相娛生氣遠出雄千夫吾儕危根厥株拘暫懼與  
汝忘江湖寵之賓朋酒百壺壓及馬走同盧胡散仙投閒  
府中趨不知何年剖竹符待汝長成意氣羸捎雲礙日清  
陰敷著書或者謀操觚汗青酬汝不汝孤

送張仲模侍講出守金華三首

久於秘閣金庭住何似春江畫舸行屢伏青蒲曾抗疏一  
麾白羽已專城笑談坐欲迴陽雨撫字應知如父兄山色  
經過吾郡好碧油幢引列仙迎

漸水浮嵐出夢中煩君寄語報村童我歌樂職如何武君

耐清貧似長公溪鹿長馴行蓋轉山花爭照板輿紅

君以親老

乞情游幾日南池飲早晚新詩寄釣筒

我羨金華紫煙客石牀瑤草故依然剖符新製名山展采

藥還捫古洞輒俗樸黃童來獻酒吏稀白鷺去巡田土風

何似黃州郭筍美魚肥不計錢

君黃州人

幽居四首

世途劇險熾使我心魂驚善哉莊生語厚貌而深情風波  
起方寸彈指變枯榮我欲逃世去何方養殘生委運南北  
齊忘懷得喪并虛舟世我有海漚我世忘雨來修竹暗雲  
去高槐明晦明有代謝淹留竟何成

欲佩入山符山中多猛虎欲泛尋源槎饞蛟涎復吐少年  
意氣盛肯隨俗仰俯不恤鯨牙剛遑嫌虎鬚怒邇來漸覺  
衰坐困浮沈簿豈惟不堪七自知宜去五傷性無時休捐  
書亦何補寸根僵石閒憂患戰風雨何當一赦去干霄遇  
風雨

守道不世諧隨俗與性妨兩俱桎我心塊然誠內傷偶讀  
抱朴子自敘避世方始知今人歷古人亦已嘗初志不在  
小勁氣攬八荒金石鏤不已輾險而摧剛多困乃決返賢  
愚果誰長利者仍歸鈍圓者剋其方區區攝生術恃以祓  
不祥不死者元氣形骸信可忘修身有大藥聖處浩難量



壽世非誕言

伊川先生嘗有詩云我亦有丹君信否用時還欲壽斯民

失時空自藏如

何漆園傲遣日徒荒唐

昔人苦長飢投耒去學仕今也食不足屢空常復爾有粟  
雖一囊固慶彈冠始吏事未通曉素餐猶可恥吉圭爲漆  
盛賃廬薦筵几甯嗟無酒錢但憂時俗飢衣租食稅多三  
羊煩十筆鬱然省寺閒薈蔚良可鄙我復何所營遯陽可  
以止癯飢浮空樽素纓汲秋水避世亡何鄉自適而已矣

挽韋伯謙

潞河幾日盪輕舟剖竹俄嗟付決流早達方欣棲近日未

衰何遽薨辭秋倚空更斷蒼梧目

君母夫人趙字曾同紫尚在嶺西

閣游懷愴黃雞歌一曲人閒何地可埋愁

致仕相國納拉公挽詞

諱全

不使中郎解摸金入關忘徒感恩深

戊寅春某攜家來日下公時監督崇文門

稅務爲特戒邏吏放行勿搜行篋

久知達節耽身退復肯迴車訪陞沈梯

几具瞻三老冠卜居真欲二林尋傷心秋草沙隄碧直並

西州淚滿襟

尊老敦夫枉訪不值

苔竹荒寒未掃門虛聞二妙笑言溫野雲偶逐塵緣出深  
轍迴知長者存高論懸河思解蔽幾人逃谷約成村縵堂  
生白經過熟欲叩渾忘象與言

中秋

今夕知何夕秋光入槿籬無錢叢桂賁兀坐素蟾移強笑  
酬兒女捐書送歲時久嫌無妙句留作遣愁資

儒史

儒史多將成敗論從容智術貫全身河汾不恤京房枉涑  
水猶援筭仲仁碧血翻譏非順命赤松見許善藏神邵氏觀物  
內篇曰智哉留侯善藏其用未妨農仕權勞逸蓬累金門愜隱淪

行年

行年三十七政宜草黃庭無復飛騰意君山夢裡青

張君藹卿將之保陽省覲作詩送之

十年蹤迹澹相親  
蒿倚長松覺有神  
豪氣剗除仍卓犖  
高材隲括更清新  
不嫌妙畫汙寒具  
爲致奇書輦海濱  
自厭迂疏充吏隱  
感君事事掇皮真

夷門曾說潘邠老  
獨枉華軒隘巷中  
抗議肯爲衰俗廢  
論心知復幾人同  
斑連官閣君衣綵  
索寞京塵我轉蓬  
好去欽夫資助理  
安危今仗紫巖公

寄賀李景卿生子

靈根重穎茁華池  
又報豐盈玉雪兒  
長大喜頻聞語吉  
清貧審復畏人知  
佳徵定夢張敦復

君去年喪一子

小字應呼李袞

師拜賜奇書當揚餅  
傳書還乞鳳雛宜

先一月餉予通鑑長編一部

許仙坪丈新除河北監司有贈

君才良玉潤年豐十載遲徊秘閣中  
晚剖使符監鄴北早工馳檄擅江東  
言皆與帛含冬暝氣更如蘭汎霽風  
利器久閒聊一試發硯行見孟勞工

八月晦日夜記彗星狀

油鐙寒無光雞號夜已戌披衣起推戶  
仰見斗枋表旋升高墟望氛祲欲一覲  
有彗東南隅歎薄長空殼我雖乏遠  
鏡豁無纖塵霽度亘千里強勢掎兩角  
驟本銳末則銛如劍脫璫首又若一疋  
帛啖啖碧落透或云蚩尤旗兵氣迫  
龍虬席捲眾星芒已半月宿留海客廢  
占諛甘石孰推究

變則刑德修衰職疇補揀人言指輔臣負乘將召寇

洪鄧兩侍

御相繼上疏言事

不飾簠簋恥遑躋蒼黔壽蟻蝕梁柱空主人神

明茂災異免三公漢法猶可復

深宮未明衣應寤羣枉疚何人黜閭闔披赤告我

后布寅流殛新滌除羶腥舊萬彙荷

聖慈惟奸不在宥上迴

天象警下弭民心祝歸來立中庭慘淡皮肉皴妖星行漸

高欲搏盧門殊狂言不遑恤獨歎甯畏訴須臾寺鐘撞日

轂曙光逗氛祲紆驅除浩蕩還宇宙

寄朱竹石觀察四十四韻

情秋滯京國望遠一蕭疏忽枉朱公札頻將乙部書殺青

官閣竟生白陋齋虛食息甘浮瓠心情更散樗驅雞移檻

竹翦蝗摘園蔬或勸之罍醉還招叔記漁勅廚烹郭索呼

權狎春鉏時覺曹牽馬慵看甌欲魚煩君雙尺素投我五

專車

觀察先後遺子續通鑑長編畢氏宋元通鑑徐氏讀禮通考秦氏五禮通考諸書

氣色開茅

棟題封想玉除性頑資發藥才薄倚吹噓價比連城重光

分一日餘編年斯體大悚水發凡初結構思劉范爬搜到

史胡刪譌龍爪改考異鮪埼據

全謝山先生經史答問多及胡梅磻注

年敢

遺經接名謙實錄居長編孤本出返事九朝儲黨議熙豐

眩家聲屋壁譽靈巖名似僭御署例誰如翔雅原超辟氏

陳氏

經王氏宗沐薛氏應標稱盍仿徐徐健庵尚書通鑑後編

旂皆有續通鑑之輯一百八十四卷畢氏沅

所本題曰後編用李文簡賜樓傳是圮志局洞庭墟金碎

謙言不敢續涑水之例也

閻才博璇源顧義梳徵圖詳禮服削簡罄林筵別錄文恭

括天官戴震据五禮通考內觀象授時朱江樵啟輅徐秦

以儀禮經傳通解一門東原戴氏手筆

禮書綱目為張本鄭賈漢歸閭此籍皆珠海何人議石渠

懸知饋貧粟復遣治荒畬阮傳言堪玩阮文達云筮仕以

者惟博心從事二通可以知修己治曾侯鏞欲苴公讀素

人之要謂資治通鑑文獻通考也

氏通考謂軍禮尚未能盡之按漢藝文志所謂軍禮司馬  
法百五十篇者既不可復見崔靈恩亦云軍禮皆亡然老  
子曰戰勝以喪禮處之又曰偏將軍居地與俱考索王深  
左上將軍居右如此類乃軍禮佚文也甯先  
生作地理通釋與胡梅礪軍禮待探胠迫雨夔憐螻楚然  
注同時並出而各不相謀



歷憶驢捐書慚適適健忘悵呿呿壁馬驚頻顧瓜牛塞我  
廬野人應暴富佳客許相於久懶師榮啟從新夢几遽驟  
添經物簿並揭寫官隸寶永孫兼子攻憑錯與儲喜先翻  
脈望室不暇窮魑舊業傳工部先機仲府君箸口旁箋摭  
事本末四十二卷  
若璩通今知善敗訟古戒紛拏君折時流角子詢弟子正  
遙親巖爛電欲去鑑承諸別思黃彫葉何年翠引裾贈言  
無長物食籍但餐菹聊附拋瓢諺雖章待和余

挽王子恆比部丈

未識冶東耆舊面十年情約少人知能令溫繡周疏族不  
惜沖襟照等夷黃散贈階韓筆署藍田家戒宋賢遺俗衰

常恨稀高行欲奉生芻一酌詞

梅延祖挽詞

憶共公車黜延緣訪柳翁將爲服生授曾幾勝游同舊業  
餘唐石談經有漢風惟應燒墓上濁酒復能中

柳先生與宗穀梁老

師以其說授梅使次第之用鄭君以左傳說畀服子慎例也

劉恭父挽詞

孤露早憐我傳經應羨君松原惟柏悅蕙竟歎芝林閣涕  
飛霞麗陰眞惜日勤征鴻乍南去哀唳付重雲

微卿將使越南卽題其萬里請纓圖爲別

曹署困常格沈冥垂十年唐君不可測鑿空開龍編上書

言一  
公堂  
自謬謬銜使遂縣縣籌霧愁沙蝨瘴雲侵跼爲行人說還  
恐君乃意超然忼慨懷

主恩翕張洞兵筌志存扶微國空爲穀黃肩氣懾山越隊  
身輕窮塞煙待君宣慰畢吉語徹殿前屈指還漢日節旄  
猶未穿烽行北戶熄圖欲南薰懸丈夫四方志惡能坐拘  
攣

寄題從外舅薛夫子黃葉村莊

淦淦禪心時閉關偶穿曲徑達碕灣厭聞世語稀通客獨  
上秋原一散顏藤挂白雲江外寺瓢傾黃葉雨中山種松  
也待扶藎長莫笑道人終歲閒

街西一椽屋二首

街西一椽屋廣足傲瓜牛屋西一畝園天然好林邱云是

勤敏營彬彬佳木修

直西有園黃左田尚書故居也今析爲四三家

蔭我屋翼涼

朝昏得休休葉榮我知春葉脫我知秋猶存公手植光風

灑和柔公少滯勁操晚榮

恩遇優華簪挂朝籍豈足

云菟裘緬懷退食暇把卷茶一甌竹几閣兩肘松碕豁靈

眸清晨起危坐液液黃庭游割此幾繭房鵝鳴今喧啾我

居枕公園適與衙官侔長羨開元日撫時增百憂昨夜霜

風繁林衣墮颼颼天明不可掃飄飄薜石稠濁酒一相酌

歲寒公知不

北墉槐一章西園榆幾株何必爲我物對之結清娛樹石  
不厭我深情共愉愉我亦耽樹石環榻長疎疎枝搖盆池  
碧影入綺窗姝惜無履道里買地拓一區種竹巧護埭養  
魚故穿渠且蓄此佳願行藏聽榮枯塵寰足止止瀨土心  
如如長安多甲第連雲蔽交衢試作平等觀何殊蓬戶樞  
況乃酒肉臭鬼瞰高明居晚食共一飽弊帷同一車檢書  
呼短僮搔背倩村姑得錢壓茅柴注瓦當玉壺一斟懽不  
足再斟懽有餘何妨是鄉老安能羨托朱

送許仙坪丈

昏昏市交心何處作深語黃菊甘蒿蓬深谷闊風雨晚遘

澹澹人頗獲稍稍許我儀湘鄉公氣靜志行古充然植孤  
標事業非妄取九原如可作韓歐有高矩公門餘祭酒卓  
犖奉新鄒渾未識面時高名動吳楚談客老軍諮沈雄佐  
幙府患氣工幹旋物情洞觚縷意冥陰符秘目笑說鈴竄  
餘事作鐃歌氣陵枚馬俯二豪撫僕隸一第眞臭腐積勞  
肘後印棄去籀元圃優游承明廬狡獪猶可賈傳車頻稱  
指國能非小補淪冥忽十年詭時藏勁弩春花看到秋卯  
飲動至午劍頭聊一呷國論紛塵土逆旅解芹君腹毛揖  
背羽諧語知慎言意行見靈臚周旋俄已積歲月發深慙  
昨來拜新除一路剖銅虎

聖心擢英髦責厚艱支拄應肱舊所聞勿畏流俗悟湘鄉  
緬成規遺書乃治譜況夙懷蘇門百泉在行部英英邵許  
孫謂康節魯齋夏峯諸先生流風相穀乳治必出於學斗筭甯待數道  
伸砭世議言立期利溥蓬累徒贈言區區知勿吐

微雪獨坐

風竹寒以搖拳雅不安泊虛堂扉自掩門外斷行迹松僵  
蓋微青瓦漬溝已白坐忘喧與著眇理欣有獲

憶舊二首

人生思少日樂事道咸前戚里傳花勝新年泛畫船家家  
面山閣處處抱林園踞竈爨紅葉燒畚鉏綠錢秧時村鼓

開梅底雪蓬顛上冢分寒具澄江映杜鵑登高耶命賦扶  
老叔尋仙夢逐前游好昏昏愛醉眠

每懷寥落感同後長大崎嶇倦旅塵遣日未忘多難日收  
身賸有苦吟身坐看嬾稚誰堪語就卜田園不泊親久  
蓄本謀依丙舍奈無三徑刷荒榛

雪

嚴風時折木飛雪灑鄰家叢竹翻舍粉寒條半作花瀛洲

迷一角宅後黃左田尚書故園蕭寺覓三車左鄰地強倚

杯中物衰顏欲變霞

朱兵曹移居戲贈



楊朴遷家好作圖  
吾兄靜者亦移居  
浮梅湖檻何曾過  
爆栗甗鑪政用渠  
蹇騎饒他三尺箠  
跛奚抱得半床書  
爛漫官身宅神笑  
相依定許一星餘

寄從子德正二首

相隔山程與水程  
睦親坊屋待新營  
頰肩樵擔憐子姪  
穿却藜床上有兄  
一別年光侵逝水  
孤燈蒼雪灑深更  
我如病羽歸無力  
卻羨江鷗箇箇輕

愁看汝弟漸長成  
但覓燕京梨與棗  
陶公且進籬東酒  
杜老還拾畦西稻  
何時一處把鉏犁  
放我長年事搜討  
耕田識字吾家事  
勿學漫翁常草草

懷松岑

時君緣事  
下吏對簿

別薛打碑曾北寺卷荷行酒憶南池舊來野興交鞍語忽  
漫危機觸石悲甚欲歸尋紅荔館可堪羈筦白雲司焉知  
醉飽成愆咎摧挫清門不自持

招朱兵曹

少時局趣限閤井常恨無以壯其詩及茲窮年踟躕土翻  
嗤何久旅人爲無梅無雪俱幽賞得漿得酒且常持隴種  
朱翁開口笑隔巷呼取一中之

上周自庵閣學

時致仕  
已七年

眇然人物光豐後獨有蒼顏魯殿尊老託著書聊自遣壯

懷經世與誰論常林座有三公拜宏景文先十資繙若待  
中朝諮掌故延登梯几舊儀存

和

自庵先生

材似積薪後居上敢云無佛且稱尊年光欲暮彌加惜詩  
律因君得細論劇迹尙慚塵鞅雜觀空願借佛經繙青楊  
門巷相招近春暖務閒希枉存

吾將篇

吾將與雅鵲同一巢聞雅不怒鵲不嘲吾將與雞狗同一  
瓢媿汝猶能歸听而警宵吾將蔭南山之松柏戲北渚之  
蘭苕理釣緇于水澨卜穿窠于山椒朝吾策杖以獨往夕

息影而長謠捨市朝之昏昏逝礪谷之昭昭耀明月之搖  
蕩御長風之蕭寥左元鶴使爲我汲右蒼龍甚我藥鬻白  
石以爲糧勺清泉以爲醪從冠籜而衣櫛與田父而相要  
已焉哉逃虛空使不枯吾性兮吾消搖以終身其焉求

除夕口占二首

迴思壬癸事一度一酸辛饋問猶煩友杯槃不泊 親虛  
期三畝隱爛醉五陵春箴語輸韓子差強齒尙存  
歲儉市聲急冬暄春物彫剛腸迴鬱鬱雲氣望蕭蕭年任  
侵華髮羹徒付族庖懶從鄉俗守昏睡足今宵

又

兒童盡作幽燕語那識而翁越世家笑倚春盤常草草強  
令村學尙牙牙簫迎枉渚潮鳴寺鼓響空山人摘茶背郭  
舊廬無恙在尋源攜汝泛溪槎